



ANG


Bayan

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Espesyal na Isyu  
Edisyong Pilipino  
Mayo 1, 2007  
[www.philippinerevolution.net](http://www.philippinerevolution.net)

## Deklarasyon ng muling pagtitibay ng kahalagahan at kabuluhan ng anti-rebisyunistang pakikibaka at ng GPCR

**K**ami, ang mga nakalagdang partido at organisasyong Marxista-Leninista, Kaisipang Mao Zedong at Marxista-Leninista-Maoista ay naglalabas ng deklarasyong ito upang muling pagtibayin ang kahalagahan at kabuluhan ng pakikibaka sa modernong rebisyunismo, na nag-umpisa laban sa rebisyunistang nilaman ng ika-20 Kongreso ng Communist Party of the Soviet Union (CPSU) noong Pebrero 1956 na human-tong sa Dakilang Proletaryong Rebolusyong Pangkultura (Great Proletarian Cultural Revolution o GPCR) mula 1966 hanggang 1976 at nagpatuloy matapos agawin ng burgesya ang kapangyarihan sa China noong 1976. Ginagawa namin ito matapos ang isang taon ng mga aktibidad sa pagdiriwang ng ika-50 anibersaryo ng anti-rebisyunistang pakikibaka at pagpapanibago ng aming kapasahang ituloy ang pakikibakang ito.



Pinag-uukulan namin ng pinakamataas na para-ngal si Kasamang Mao Zedong sa pamumuno niya sa Communist Party of China (CPC) at sa lahat ng partidong Marxista-Leninista sa pakikibaka sa modernong rebisyunismo. Agad niyang ipinalathala ang editorial na "Hinggil sa Istorikong Karanasan ng Diktadura ng Proletaryado" ng *People's Daily* noong Abril 1956 bilang tugon sa ika-20 Kongreso ng Partido Komunista ng Soviet Union. Sa kongresong ito noong 1956, gamit na sangkalan ang pagbaka sa "kulto ng personalidad," itinakwil ng rebisyunistang pangkating Khrushchov ang mga pundasyon ng Marxismo-Leninismo at ang mga dakilang rebolusyonaryong tagumpay ng partido nina Lenin at Stalin sa pagtatayo ng sosyalismo, paglaban sa pasismo at pamumuno sa internasyunal na kilusang komunista sa mahigit 30 taon.

Inilantad ng mga hakbang ng mga rebisyunistang Soviet na pinangunahan ni Khrushchov ang penomenon ng modernong rebisyunismo laban sa diktadurang proletaryo at inilagay nito ang Soviet Union sa landas ng kapitalistang panunumbalik. Muli nilang inorganisa ang Partidong Soviet, ang estado, ang ekonomya at ang mga institusyong pangkultura upang tibagin ang Marxismo-Leninismo at ang sistemang sosyalista.

Nilabanan nila ang diktadura ng proletaryado at pinalaganap ang populismong burges sa pamamagitan ng mga kaisipang "partido ng buong bayan" at "estado ng buong bayan" at ang pasipismong burges sa pamamagitan ng mga kaisipang "mapayapang transisyon," "mapayapang kumpetisyon" at "mapayapang pakikipamuhay." Sinikap nilang pahinain ang internasyunal na kilusang komunista at itinulak nila ang "mapayapang pakikipamuhay" bilang pangkalahatang li-nya para labanan ang proletaryong internasyunalismo at atakehin ang internasyunal na kilusang komunista at mga kilusan sa pambansang pagpapalaya.

Winasak ng rebisyunismo ang lahat ng dating sosyalistang bansa. Itinransporma niyon ang mga

ito sa mga kolonya ng sosyal imperyalismo, pinagkaitan ang pandaigdigang rebolusyonaryong kilusan ng rebolusyonaryong sentro nito, winasak ang mga rebolusyonaryong partido at nagdala ng kalituhan, panghahati at likidasyonismo sa internasyunal na kilusang komunistang at kilusan ng uring manggagawa. Nakapanira iyon sa makauring pakikibakang proletaryo at sa anti-imperyalistang pakikibaka at nagbunsod ng malalaking pinsala. Pinaurong nito nang ilang dekada ang proseso ng internasyunal na rebolusyong proletaryo.

May mga kadahilanang pampulitika, sosyo-ekonomiko at pangkultura ang modernong rebisyonismo. Pangunahin dito ang paglihis sa materyalistang dyalektika, pagwaksi o paghina ng makauring paninindigang proletaryo at makauring pakikitunggali, pagsamba sa mga niluma o rebisyonistang modelong Soviet at ang pagkabulok ng maraming burukrata at intelektwal dahil sa kanilang petiburges na kalagayang panlipunan at paraan ng pag-iisip, na siyang bungad patungong modernong rebisyonismo bilang ganap na ideolohiyang burges.

Sa kanilang labis na paghahangad ng mga pribilehiyong personal, nepotismo, karerismo, pag-abuso sa kapangyarihan, pagpapayaman at iba pang anyo ng makasariling interes, namamayani ang mga nagtataglay ng petiburges na pag-iisip sa hanay ng mga nangungunang opisyal sa partido, estado, ekonomya at institusyong pangkultura at ibinubunsod nila ang modernong rebisyonismo bilang ideolohiyang burges at bilang plataporma para sa mga patakarang burges.

Ipinagtanggol ni Kasamang Mao ang teorya at praktika ng Marxismo-Leninismo laban sa linya ng modernong rebisyonismo. Kinundena niya ang mga rebisyonista sa paghahasik nila ng kalihutan sa internasyunal na kilusang komunistang at sa pang-uudyok ng kaguluhan at mga pag-aalsa laban sa sosyalistang adhikain sa Yugoslavia, Poland, Hungary at iba pang lugar sa Eastern Europe.

Sa patnubay ni Kasamang Mao, ang anti-rebisyonistang linya ay ipinursige ng delegasyon ng CPC sa mga pulong ng mga partido komunistang at partidong manggagawa sa Moscow noong 1957 at 1960. Matapos ito, sa pamumuno ng CPC, inilunsad ng mga Marxista-Leninista ang internasyunal na pakikitunggaling pang-ideolohiya ukol sa kumprehensibong hanay ng mga usapin laban sa mga modernong rebisyonistang nakasentro sa partidong Soviet.

Kasunod niyon, sa pamumuno ni Kasamang Mao, pinuna at itinakwil ng mga Marxista-Leninista ang penomenon ng monopoliyong burukrata kapitalismo at sosyal-imperyalismo sa mahabang panunungkulan ng rehimeng Brezhnev. Nagpanggap na sosyalismo ang monopoliyong burukrata kapitalismo at nagsabwatan naman ang mga burukrata at negosyante sa paganakaw sa sektor ng estado.

Sa ugnayang internasyunal, naging abala ang mga rebisyonistang Soviet sa sosyalistang pananalita at imperyalistang gawa.

Hindi nagpakasapat si Kasamang Mao sa pagpuna sa modernong rebisyonismong lumitaw at lumago sa Soviet Union at iba pang mga bansa sa bloke ng Soviet. Pinag-aralan at sinuri niya ang paglitaw ng modernong rebisyonismo sa China, na nagmula kapwa sa katutubong mga salik at sa mga impluwensya mula labas. Sa gayon, napagkaisa niya ang mga namumunong rebolusyonaryong anti-rebisyonista sa CPC, na nagbuklod upang ilunsad ang Dakilang Proletaryong Rebolusyong Pangkultura noong Mayo 1966 para isakatuparan ang teorya ng nagpapatuloy na rebolusyon sa ilalim ng proletaryong diktadura. Ito ay upang bakahin ang rebisyonismo, hadlangan ang panunumbalik ng kapitalismo at patatagin ang sosyalismo.

Ang teorya at praktika ng nagpapatuloy na rebolusyon sa ilalim ng diktadura ng proletaryado sa pamamagitan ng GPCR ay isang bago at mas mataas na antas sa pag-unlad ng Marxismo-Leninismo. Nagharap ito ng isang serye ng mga usapin sa pagtatayo ng sosyalismo, na sasaklaw ng isang buong istorikong panahon ng transisyon mula kapitalismo tungong komunistang, at naghapag ng mga saligang prinsipyo at pamamaraan ng paglutas sa nasabing mga usapin, na kinabibilangan ng pagkakaroon ng mga uri at makauring tunggalian sa lipunang sosyalista, ng relasyon ng baseng sosyal at superstrukturang, ng linyang masa, rebolusyong pangkultura, rebolusyon at produksyon, pagpapaunlad para makahalili ang kabataan, pamumuno sa mga pagawaan at komuna at pagtatayo ng mga organo ng kapangyarihang pampulitika.

Marami sa mga usaping ito ay hindi naunawaan o maaaring hindi



Espesyal na Isyu Mayo 1, 2007

Ang *Ang Bayan* ay inilalabas sa wikang Pilipino, Bisaya, Iloko, Hiligaynon, Waray at Ingles.

Maaari itong i-download mula sa Philippine Revolution Web Central na matatagpuan sa: [www.philippinerevolution.org](http://www.philippinerevolution.org)

Tumatanggap ang *Ang Bayan* ng mga kontribusyon sa anyo ng mga artikulo at balita. Hinihikayat din ang mga mambabasa na magpaabot ng mga puna at rekomendasyon sa ikauunlad ng ating pahayagan. Maabot kami sa pamamagitan ng email sa: [angbayan@yahoo.com](mailto:angbayan@yahoo.com)

Ang *Ang Bayan* ay inilalathala dalawang beses bawat buwan ng Komite Sentral ng Partido Komunista ng Pilipinas

kinayang maunawaan sa loob ng ilang dekada ng sosyalismo sa Soviet Union. Ang paglulunsad sa GPCR ay sumalamin sa pagkakasapol at paglalagom sa karanasang iyon ng Soviet Union, at ito ang kauna-unahang pampulitikang pagpapakilos sa masa laban sa rebisyunismo, na sa pagkakataong iyon ay nasa loob ng CPC.

Matagumpay na napamunuan ni Kasamang Mao ang proletaryado at mamamayan ng China sa sunud-sunod na mga tagumpay sa GPCR sa harap ng katakut-takot na hirap at laban sa makapangyarihang mga kalaban. Subalit di naglaon pagkamatay niya, nagkudeta ang mga kaway ng proletaryado at sambayanang Tsino at binaligtad nila ang kanyang rebolusyonaryong linyang proletaryo sa pagsusulong ng sosyalistang rebolusyon at konstruksyon. Mula noon, naglunsad na ang mga bagong burges na naghahari sa China ng pinakabrutal na mga atake laban sa mga manggagawa at magsasakang Tsino. Habang patuloy nilang inaangkin ang titulong "Communist Party of China," sa katunaya'y sila na ang pinakamasasahol na nang-aapi, nagsasamantala at nang-aabuso sa mamamayang Tsino.

May mga tanda ng lahatang-pang na pag-urong at pagbagsak ng China tungo sa pagiging malaking kumprador na neokolonyal na bisig ng US at iba pang imperyalistang kapangyarihan. Ganap nang itinali ng China ang sarili nito sa patakarang imperyalistang globalisasyon na tulak ng US at iba pang imperyalistang kapangyarihan. Gayunman, pinagsisikapan din ng China na maging isang relatibong nagsasariling kapangyarihang imperyalista at nagpapalawak ng pamumuhunang pang-ekonomya at impluwensyang pampulitika nito sa pandaigdigang saklaw sa mga lugar tulad ng Africa, Latin America at Asia. Nakapagpapaalala

ito sa pagiging atrasado at mahirap ng Russia sa kalahatan bagamat imperyalista, bago ang rebolusyong Bolshevik.

Ang ganap na panunumbalik ng kapitalismo sa China at sa mga bansa sa dating blokeng Soviet ay nagpapatunay sa turo ni Kasamang Mao na magagapi ang sosyalismo kapag namayani ang rebisyunistang linya sa loob ng naghaharing partido komunista o partidong manggagawa at kalauna'y magtagumpay ang burgesya sa loob ng partido at estado sa pag-agaw sa kapangyarihan at pagpapabagsak sa proletaryado.

Pinamanahan tayo ni Kasamang Mao ng sandatang magagamit para bakahin at gapiin ang modernong rebisyunismo at muling buhayin at paunlarin pa ang mga pwersa ng sosyalismo. Mapagbantay tayo at palaban sa patuloy na panganib ng rebisyunismo, modernong rebisyunismo at iba pang anyo ng oportunismo.


Muli nating pinagtitibay ang rebolusyonaryong teorya at praktika ni Kasamang Mao ng nagpapatuloy na rebolusyon sa ilalim ng proletaryong diktadura sa pamamagitan ng GPCR. Kinukundena natin ang pagkakanulo ng grupong Liu Shaoqi-Deng Xiaoping at ng bagong burgesyang Tsino sa sosyalismo at sa rebolusyonaryong linyang proletaryo ni Kasamang Mao.

Pinagpapanibago natin ang ating determinasyon at mga pagsisikap na isulong ang istorikong misyon ng proletaryado na

isulong ang bagong demokratiko at sosyalistang rebolusyon at konstruksyon. Lahat ng mga kasamaang kinaharap ng mga bansang dating pinagharian ng mga rebisyunista ay nagtutulak sa atin na itaguyod ang Marxismo-Leninismo-Maoismo laban sa modernong rebisyunismo at ipursige ang rebolusyonaryong adhikain ng sosyalismo.

Sa panahon ng pansamantalang tagumpay ng modernong rebisyunismo laban sa Marxismo-Leninismo at sa diktadura ng proletaryado, nailunsad ng monopolyo kapitalismo sa pamumuno ng imperyalismong US ang pinakamasasahol na atake sa proletaryado at sa aping mga mamamayan, tulad ng globalisasyon ng "malayang pamilyan," rasismo, panunupil at mga gerang agresyon. Bilang tugon sa pag-iibayo ng pang-aapi at pagsasamantala, pinaiigting ng proletaryado at mamamayan ang kanilang paglaban sa pamamagitan ng armadong pakikibaka at iba pang anyo ng paglaban.

Hindi sapat na ipagtanggol lamang ang Marxismo-Leninismo at Maoismo upang ibunsod ang panibagong sikad ng pakikibaka para sa tunay na sosyalismo. Kailangang halawin ng internasyunal na kilusang Marxista-Leninista at kilusan ng uring manggagawa ang mga aral sa paggapi ng rebisyunismo sa sosyalismo, at sa mga tagumpay ng



50 taong paglaban sa rebisyunismo.

Ang pinakamahahalagang kundisyong pang-ideolohiya, pampulitika at pang-organisasyon sa pagpapalaya ng sangkatauhan ay ang pagtatayo ng mga Marxista-Leninistang partido sa buong mundo, ang pangingibabaw sa pagkakawatak-watak, ang pagpapalakas ng mga ito upang maging

partidong may mahigpit na ugnay sa masa, at ang internasyunal na rebolusyonaryong pagtutulungan ng mga ito.

Internasyunalistang tungkulin ng mga partidong Marxista-Leninista-Maoista na magkaisa at pukawin, organisahin at pakilusin ang proletaryado at mamamayan sa kanilang bansa at sa buong

mundo sa pakikibaka para sa pambansang kalayaan, demokrasya at sosyalismo laban sa imperyalismo, rebisyunismo at reaksiyon. Pinagpanibago natin ang ating kapasyahang magpunyagi sa rebolusyonaryong pakikibaka at magpursigeng kamtin ang mas malalaki pang tagumpay sa patnubay ng Marxismo-Leninismo-Maoismo.

**Itaguyod, ipagtanggol at isulong ang mga turo  
nina Marx, Engels, Lenin, Stalin at Mao!**

**Muling pagtibayin ang Marxismo-Leninismo-Maoismo  
laban sa modernong rebisyunismo!**

**Isulong ang rebolusyon laban sa imperyalismo,  
rebisyunismo at reaksiyon!**

**Papuri sa Dakilang Proletaryong Rebolusyong Pangkultura!**

**Mabuhay ang lahat ng partidong Marxista-Leninista-Maoista!**

**Mabuhay ang proletaryong internasyunalismo!**

**Mabuhay ang Marxismo-Leninismo-Maoismo!**

**Mga lumagda** (nakahanay sa pagkakasunud-sunod ng mga pangalan ng bansa sa Ingles): **Brazil** - Communist Party of Brazil (Red Fraction); **Germany** - Marxist-Leninist Party of Germany; **Greece** - Communist Party of Greece-ML; **India** - Communist Party of India (Maoist); **Indonesia** - Communist League of Indonesia; **Italy** - Committee to Support Resistance - for Communism (CARC); **Moldova** - Maoist Anti-Imperialist Circle; **Philippines** - Communist Party of the Philippines; **Turkey** - Communist Party of Turkey/Marxist-Leninist (TKP/ML); **United States** - Marxism-Leninism-Maoism Revolutionary Study Group; **Uruguay** - Communist Party of Uruguay

---

*(Tala: Ang sinumang lumagda ay maaaring magbigay ng paglilinaw sa pakikipagkaisa sa alinmang punto sa deklarasyong ito sa pamamagitan ng anotasyon.)*